

LUTRIJA BOSNE I HERCEGOVINE d.o.o. Sarajevo

NADZORNI ODBOR

Na osnovu člana 22. Zakona o igrama na sreću („Službene novine FBiH“, br.48/15. i 60/15.) i člana 22. Statuta Lutrije Bosne i Hercegovine d.o.o. Sarajevo („Službene novine FBiH“, br.95/15.), Nadzorni odbor Lutrije Bosne i Hercegovine, na sjednici održanoj dana 30.08.2016. godine, donio je

P R A V I L A

expres lutrije “Avantura”

1. OPŠTE ODREDBE

Član 1.

Ovim se Pravilima propisuju uslovi za priređivanje expres lutrije “Avantura” (u daljem tekstu: srećka).

Član 2.

Ova Pravila su isključivi zakonski i pravni osnov za zaključivanje ugovora o učestvovanju u igri expres lutrije “Avantura”.

Ugovor iz stava 1. ovog člana zaključuje se između Lutrije Bosne i Hercegovine d.o.o. Sarajevo (u daljem tekstu: Priređivač) i učesnika u igri na osnovu prihvata opštih uslova propisanih i sadržanih u ovim Pravilima, po slobodno izraženoj volji učesnika, činom kupovine srećke.

Ova Pravila obavezuju ugovorne strane.

2. NAZIV I VRIJEME TRAJANJA IGRE

Član 3.

Expres lutrija „Avantura“ je igra na sreću sa unaprijed utvrđenom visinom fonda dobitaka, u kojoj učesnik otvaranjem srećke saznaje rezultat igre koji je otisnut u prostoru za označavanje dobitka.

Član 4.

Rok prodaje expres lutrije “Avantura” otisnut je na srećki.

Rok prodaje srećke može se produžiti odlukom direktora Priređivača, a za isti broj dana produžava se i krajnji rok za naplatu dobitaka.

Srećke koje nisu prodane do zaključenja prodaje, odnosno dobici na ovim srećkama, ne smatraju se neisplaćenim dobicima.

Odluku o puštanju u prodaju svake od serija donosi direktor Priređivača i ista će se objaviti u jednoj od dnevnih novina.

3. USLOVI ZA UČEŠĆE U IGRI

Član 5.

Učesnikom u igri smatra se osoba koja je s Priređivačem zaključila ugovor iz člana 2. ovih Pravila, uz dokaz da posjeduje srećku (u svemu u skladu sa članom 10. ovih Pravila).

Srećka glasi na donosioca.

4. PODRUČJE PRIREĐIVANJA IGRE

Član 6.

Expres lutrija “Avantura” se priređuje na području Federacije Bosne i Hercegovini i Brčko Distrikta BiH.

5. POJEDINAČNA CIJENA SREĆKE

Član 7.

Cijena jedne srećke je 1,00 KM.

6. KOLIČINA I NOVČANA VRIJEDNOST EMISIJE SREĆKE

Član 8.

Expres lutrija “Avantura” se emituje u serijama. Jedna serija sadrži 1.000.000 (jedan milion) komada srećaka.

Novčana vrijednost emisije srećaka iznosi 1.000.000,00 KM (jedan million konvertibilnih maraka).

Odluku o broju serija donosi direktor Priređivača.

7. VISINA FONDA I VRSTE DOBITAKA

Član 9.

Naknada za priređivanje srećke - javni prihod Federacije Bosne i Hercegovine iznosi 10% od ukupne emisije vrijednosti srećke ili 100.000,00 KM.

Fond dobitaka iznosi 68,89% od ukupne emisije vrijednosti srećke umanjene za iznos naknade za priređivanje srećki ili 62% od ukupne emisije vrijednosti.

Novčana vrijednosti fonda dobitaka iznosi 620.000,00 KM i dijeli se na 310.000 dobitaka.

Fond dobitaka serije se raspoređuje po slijedećem planu:

Komada	Dobitci	Iznos
500 x	100 KM	50.000 KM
2.000 x	50 KM	100.000 KM
2.500 x	20 KM	50.000 KM
5.000 x	10 KM	50.000 KM
10.000 x	5 KM	50.000 KM
30.000 x	2 KM	60.000 KM
260.000 x	1 KM	260.000 KM
310.000		620.000 KM

8. OPIS SREĆKE

Član 10.

Srećka je pravougaonog oblika, a štampana je u 4 (četiri) varijacije.

Prednja strana expres lutrije sadrži:

- Naziv srećke „Avantura“;
- Logo Lutrije Bosne i Hercegovine;
- Logo Igraj za sretne dane;
- Cijena srećke;
- Na prednjoj strani expres lutrije smješten je perforirani pravougaonik - prozorčić na kojem piše „OTVORI“. Ispod njega se nalazi prostor za označavanje dobitaka sa otisnutim iznosom dobitka (brojem i slovima) ili tekst „BEZ DOBITKA“, poljem koje sadrži isplatnu šifru expres lutrije u novčanjoj i bar kod formi, oznakom serije.

Poleđina expres lutrije sadrži:

- Logo Lutrije Bosne i Hercegovine;
- Logo „Srećke na dohvat ruke“;
- Logo „Pola sreće drugima“;
- Web adresu www.lutrijabih.ba;
- Naziv expres lutrije „Avantura“;
- Plan dobitaka;
- Emisiona vrijednost i fond dobitaka;
- Rok prodaje;
- Adresa priređivača;
- Polje koje sadrži uplatnu šifru srećke u brojčanoj i bar kod formi.

9. UTVRĐIVANJE DOBITAKA

Član 11.

Igrač utvrđuje dobitak otvaranjem perforiranog prozorčića ispod kojeg je na prostoru za označavanje dobitaka otisnut iznos dobitka brojem i slovima ili tekst „BEZ DOBITKA“. Rezultat igre, odnosno dobitak je odštampan u skladu sa članom 9. ovih Pravila.

Igrač u igri nije dužan uzeti srećku na kojoj su vidljivi znaci oštećenja.

10. NAČIN I ROK ISPLATE NOVČANIH DOBITAKA

Član 12.

Pri isplati dobitaka učesnik je dužan predati Priređivaču dobitnu srećku.

Dobitna srećka je ona srećka koja sadrži navedene elemente u članu 10. ovih Pravila, tako da se može nedvojbeno utvrditi dobitak.

Dobitke isplaćuju: prodajna mjesta ili blagajna Lutrije BiH.

Član 13.

Porez na novčani dobitak plaća učesnik koji je ostvario dobitak na srećki. Priređivač će obustaviti i uplatiti porez na dobitak u skladu sa Zakonom.

Član 14.

Pravo na naplatu dobitka zastarijeva po isteku roka od 30 dana od zadnjeg dana određenog za prodaju srećke od strane Priređivača.

Svi dobitci prodatih srećaka, koji nisu isplaćeni do propisanog roka, smatraju se neisplaćenim dobitcima.

Član 15.

Priređivač ne snosi odgovornost za srećke koje su na bilo koji način nestale, ili oštećene u toku prodaje, u kojem slučaju se smatra da je prodavač ili zastupnik kupio sve srećke za koje tvrdi da su nestale, ukradene, izgubljene ili oštećene.

11. NAČIN UPOZNAVANJA UČESNIKA U IGRI S OVIM PRAVILIMA

Član 16.

Ova Pravila nalaze se na svim prodajnim mjestima Priređivača. Osobama zainteresiranim za sudjelovanje u igri Priređivač je dužan omogućiti upoznavanje s ovim Pravilima, odnosno dati ih na uvid.

12. PRELAZNE I ZAVRŠNE ODREDBE

Član 17.

Za rješavanje eventualnih sporova, proisteklih iz učešća u igri na sreću, nadležan je Općinski sud u Sarajevu.

Član 18.

Ova Pravila stupaju na snagu danom donošenja, a primjenjivat će se puštanjem u prodaju 1. serije srećke i ista će se objaviti u jednoj od dnevnih novina.

Broj: 01-6-1747-3/16.
Dana: 30.08.2016. godine

P R E D S J E D N I K
Miroslav Čorić, s.r.

